

1904

吳都文粹續集

三九

吳郡文粹

總校官進士臣繆琪

校對官監丞臣張魯炳

謄錄監生臣劉為翰

欽定四庫全書

吳郡文粹續集卷四十九

明 錢穀 撰

詩

次韻寄錢翼之

楊載

有聲吳下頗多年長把漁竿釣海邊
李賀才名過杜牧魯公書法繼張顛
塵沙撲面驚吾老星宿蟠胸媿子賢
歲晚著書言足妙青青林竹正宜編

和孟東野題崑山寺

蘭谷負崑岡鑿崖安佛牀
梯雲石磴滑入厨泉水香
旦寒鳥相聚月黑龍放光
舟行苦局促卒憇殊勝場

次韻高季迪別後見寄之作

張羽

客中原少寐看月上林端
雁叫楓江夜人棲野艇寒
浮蹤憐斷梗攪夢怯奔湍
不是孤吟懶離羣自少懽

約徐隱君幼文同隱吳興

吳興好山水子我盍遷居
繞郭羣峰列迴波一鑑如
蠶餘即宜稼樵罷亦堪漁
結屋雲林下殘年共讀書

畊漁軒寄題徐良夫

之子住銅坑人傳好事名如何同甲子翻遣昧平生野
岸風中釣湖田雨後耕秋天漸涼冷或可赴前盟

送人之平江投刺李守

送君何處遊一劍古蘇州螃蟹黃花節鱸魚碧水秋尋
碑松鳴寺按曲酒家樓況爾多能者膺門必見留

寄王正仲高李廸

祇恨孤城未解圍圍開翻遣別相知夕陽江上怱怱酒

細雨燈前草草詩有夢直從花落後無書空過雁來時
郭西古寺題名處今日重遊却共誰

別後吟成許寄無定知詩境不荒蕪新詞典雅推摩詰
古體優長羨達夫華岳羣峯雲霽出梁園萬縷日晴敷
肯從大厯開元事重擬清談擊唾壺

過何山廢寺

千峯寂寂寺門開石逕春風長綠苔佛閣丹青餘瓦礫
禪房花木變蒿萊繡經室壞僧應散施食臺空鳥自來

誰料空門亦如此獨臨斜日重徘徊

悼高青丘李迪

燈前把卷淚雙垂妻子驚看那得知江上故人身已沒
篋中尋得寄來詩

消息初傳信又疑君亡誰復可言詩中郎幼女今癡小
遺稿千篇付與誰

生平意氣竟何為無祿無田最可悲賴有聲名消不得
漢家樂府盛唐詩

寄叔方

倪瓚

乖阻方徂秋忽然已改年櫻桃花樓前開落春風顛乘
船到家日雨砌溜涓涓綠酒仍滿眼素琴久無絃呼我
共斟酌歡極更惘然處窮則已固言達誰當先俯仰嘆
鳶魚浮沉各天淵慎勿傷本性木雕而土埏鸞翔安可
挽青雲氣翩翩猶羨羲皇人清風北窗眠

江南春

汀洲夜雨生蘆筍日出瞳矇簾幙靜驚禽蹴破杏花烟

陌上東風吹鬢影
遠光搖曙劍光冷
轆轤水咽青苔井
落紅飛燕觸衣巾
沉香火微縈綠塵

春風顛春雨急清淚泓
泓江竹濕落花辭枝悔何及
絲梧哀鳴亂朱碧
嗟我胡為去鄉邑
相如家徒四壁立
柳花入水化綠萍
風波浩蕩心怔營

送虞勝伯之雲間求先世遺書

川谷沄沄浙水波
雍公勛業未消磨
况當異代求文字
尚有聞孫校外訛
京國不聞收汗馬
草萊終見沒銅駝

誰陳聖主賢臣頌奈爾陰山敕勒歌

故虞勝伯徵君隱居竹義居甫里垂二十年不屑以
姓名求知于時之聞人道園先生其叔祖也先世雍
公所遺文道園先生欲求而不可得勝伯必欲竭意
以購取之可謂有志而不忘其所自矣聞此書舊藏
平江俞子中推官宅推官沒已久而子俊州尹其弟
輒能假以歸勝伯非仁人義士之存心乎州尹贊之
故人也因書以為之請陶蓬大尹見之當有以教吾

者矣倪瓚頓首

次韻答陳叔方早春見懷

隔江山翠晚依微
隱映江邊白板扉
事往依依驚歲改
老來念念覺前非
已看庭草侵行徑
漸有汀花拂釣磯
慚愧詩篇慰幽獨
白頭從此莫乖違

清夜哦詩手自書
也應把燭情官奴
瘦牛犂确荒田隴
肥馬蹢躅笑瓠壺
且釀松花江水碧
更分芝朮嶺雲腴
人間誰覓玄真子
春雨扁舟釣綠蒲

白馬寺通長老修圓覺期化緣

惠遠深心白蓮社湯休麗句碧雲篇懺摩不懈香燈供
般若仍通文字禪雨後春池片細月明寒渚竹娟娟
東林門外聞鐘返惟有陶公妙入玄

貞壽堂詩為吳縣尹楊燠作

貞壽堂前風日遲天大寸草答春暉兒兮事育心無忤
母氏康強志不違後日腰懸季子印只今身著老萊衣
熙然鶴髮照綠酒金鴨火溫香霽微

烟雨中過石湖

烟雨山前度石湖一奩秋影鏡平鋪
何須更剪松江水好染空青作畫圖

姑蘇城外短長橋烟雨空濛又晚潮
載酒曾經此行樂醉乘江月卧吹簫

愁不能醒已白頭滄江波上狎輕鷗
鷗情與老初無染不棄輕軀總是愁

蘇臺懷古

望中烟草古長洲不見當時麋鹿遊
滿目越來溪上水流將春夢過揚州

吳中絕句

醉喚吳姬踏舞筵風闌花陣亦回旋
愁生細雨寒烟外詩在青蘋白鳥邊

發吳江

一望洞庭秋水相逢南浦孤蓬江干有興騷客間居久
釣漁翁

泛太湖

遙接太湖惘然尚留赤壁圖景
越來溪水東西香雪寒梅飄影

登姑胥山

吳王館娃西子兩情斷送長流麋鹿
淚沾荒草故人汗漫重遊

過盤門

將軍南鎮勾吳魚龍跳下江潮無限
吁嗟神迹怕聞淒

涼洞簫

歸闔閭浦

極目烟江盡頭屈指姚城渡口世人不理曲肱自餉黃
鷄白酒

吳鈞行

楊維禎

吳人殺二子釁成雙吳鈞吳王下賞令不識鈞中愁臨
鈞呼二子飛來父心頭百金何足報萬戶當封侯佩雙
鈞比明月為君嬖者斬讒者刑制諸侯開伯烈千秋萬